



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ephesini Concilii Generalis Pars III. Sub Cælestino papa I. anno CCCCXXXI.

Parisiis, 1644

Actionis Primae Sessio II.

urn:nbn:de:hbz:466:1-15241

quas blasphemias os diaboli Nestorius in Christum eiusque genitricem beatam Mariam effutiuisset, quidve Romanum & Alexandrinum Concilium in causa Nestorii egissent, catholica epistola Cyrilli ad Nestorium, Nestorii ad Cyrilum blasphemis plenissima, item Cælestini & Concilii Alexandrini lectæ fuerunt. Ad epistolarum lectionem additæ sunt recitationes horrendarum blasphemiarum, quas Theodorus Ancyranus, & Acacius Melitenus, aliqui episcopi Constantinopoli ex ore Nestorii ipsi audierunt, cap. 2. His auditis, ex suggestione Flauiani Philippensis episcopi, multis testimoniis ex scriptura ac patribus allatis, demonstratum est, incarnationem Verbi diuini indiuse & inconfuse in utero beatae Mariæ virginis factam esse; duasque naturas, diuinam scilicet & humanam, in una persona coniunctas & unitas fuisse. Ab hac orthodoxa patrum & ecclesiæ doctrina, scripta Nestorii discrepare & multum abhorrere, ex eiusdem quaternionibus in Synodo legi iussis, vniuersis est manifestatum. Lectis postea & approbatis Capreoli Carthaginensis episcopi literis, sententia damnationis in eum lata est eiusmodi: *Dominus noster Iesus Christus, quem suis ille (Nestorius) blasphemis vocibus impetravit, per sacram hanc Synodum eumdem Nestorium omni pietatis dogmate priuatum, & ab uniuerso nihilo minus sacerdotum consortio & cœtu alienum esse decreuit.* Hanc subscriptione episcoporum omnium approbatam additis literis Nestorio insinuarunt.

Sententia
damnatio-
nis in Ne-
storium.Nicænae fi-
dei nihil ad-
iiciendum.Ephesi ob-
condemna-
tum Nesto-
rium latan-
tur.

In laudem Cælestini pontificis, qui antea Nestorium damnarat, patrum acclamations subsecutæ sunt. Post hæc catholicæ fidei decreta firmatum est. Repetito enim Nicæno symbolo sub anathemate præceptum fuit, ne quis aliquid præter id, quod per Nicænum definitum esset, ad fidem adiicere ullo modo tentaret. Circa vesperam istius diei, *cum Ephesini audiuerint* (inquit Cyrus epist. 34. ad Alexandrinos) *infelicem illum esse depositum, cœperunt omnes una voce predicare Synodum, & Deum glorificare, quod cecidisset fidei inimicus. Egressientes vero nos ab ecclesia deduxerunt cum lampadibus usque ad diuisorium nostrum (erat enim iam vespera) & facta est multa latitia, & luminaria in ciuitate posita, ita ut & mulieres quoque adolescentes thyriamata cum thuribulis nos precederent.* Per publicos præcones damnationem Nestorii Ephesi promulgatam & proclamatam fuisse, testatus est in Conciliabulo Ephesino Candidianus comes.

ACTIONIS PRIMÆ SESSIO II.

Acta sessio-
nis II.
Epistola
synodalis
ad Theodo-
sium.Catholico-
rum episto-
la a Candi-
diano inter-
cepta.

Sequenti die, vigesima tertia Junii, Cyrus, cum in unum conuenissent episcopi, ad populum homiliam habuit. Post hæc vero scripta est ad Theodosium epistola synodalis, in qua, *vestram, inquiunt, maiestatem iterum atque iterum rogatam cupimus, ut uniuersam illam doctrinam Nestorii e sanctis ecclesiis submoueri, eiusdemque libros ubique locorum repertos iubeat flammis absumi.* Ad clerum Constantinopolitanum duas aliae additæ. Candidianus vero, qui ex officio sibi mandato omnem vim & iniuriam coercere debebat, Nestorii patronus factus, maris terraque aditus omnes præclusit, ne rei gestæ narratio

ANNO
CHRISTI
431.

ratio ad imperatorem perferretur, idque ideo, vt suis ad imperatorem missis epistolis calumniarum & mendaciorum plenissimis, catholicos anteuerteret, animumque imperatoris præoccuparet; scribebat per summam calumniam, Ioannem Antiochenum non fuisse expectatum; conuocatos episcopos non omnes conuenisse: eos qui conuenerant inter se non consensisse. Nestorius suas addidit, quibus postulauit aliam Synodum, a qua omnes Ægyptii abessent, cuique duo tantum ex vnaquaque prouincia interestent, indici; redditumque ad episcopatum suum, a quo per synodalem sententiam amotus erat, sibi concedi. Ad fidem maiorem epistolæ suæ conciliandam, nouem episcoporum suæ factio[n]is sectariorum subscriptionem, & approbationem impetravit.

Candidiani calumniæ Synodo obiectæ.

Nestorius
Synodum
aliam indi-
ci ab impe-
ratore pe-
tit.

ACTIONIS PRIMÆ SESSIO III.

Die quinto a damnatione Nestorii (teste Euagrio lib. 1. cap. 4.) Acta fessio-
nis III. qui est vigesimus septimus Iunii, episcopi illi, qui a sancta Synodo Ioanni Antiocheno episcopo aduentanti officii causa obuiam missi fuerant; mandato eiusdem Ioannis, per milites contempti, ab eius aspectu amoti, plagisque grauioribus affecti, iniuriam sibi illatam in Concilio retulerunt. Patres Concilii hanc ob rem iusta indignatione commoti, Ioannem Antiochenum excommunicarunt. Hæc ex epistola Memnonis Ephesini episcopi ad clerum Constantinopolitum, Ioannes episcopus vix urbem ingressus, ante puluerem excusum & pallium depositum, procurante Candidiano comite, Conciliabulum ex Nestorianis & Pelagianis triginta congregatum celebravit; in quo postposita orthodoxæ fidei doctrina, Memnon Ephesinus episcopus, velut turbulentus, & Cyrus tamquam hæreticus condemnatur, & deponuntur. Commenti sunt epistolam ad episcopos Synodi, miseruntque eam ad imperatorem & clerum Constantinopolitanum cum tali inscriptione, quasi ad Synodum missa fuisset. Ita factum, vt in remotioribus ciuitatibus, sacrosancta Synodus facti huius plane ignara, commentitiis epistolis Conciliabuli, magnopere infamaretur. His necdum contenti, in gratiam Pelagianorum eorum, qui satanæ conuenticulo, & crabronum turmæ intererant, Pelagianam hæresin saepius ante damnatam restituunt & confirmant. Hæc acta Pseudosynodi Ephesinae, quæ vel dolo malo, vel saltē librariorum incuria, actis huius orthodoxi & legitimi Concilii admixta fuerunt. Nam cum Gregorius pontifex suo tempore Romanum codicem cum reliquis contulisset, nihil eorum, quæ in Conciliabulo Ephesino gesta sunt, in prædicto Romano codice inuenit, vt testatur ipse lib. 6. epistola trigesimaprima ad Eulogium Alexandrinum, & libro septimo epistola quadragesimaseptima ad Anastasium episcopum Antiochenum, & libro quinto epistola decimaquarta ad Narserium comitem. Numerus episcoporum variatur: Quot epi-
scopi Con-
ciliabulo
Ephefino
interfue-
rint? alibi quadraginta tres Nestoriani episcopi numerantur: alibi triginta tantum & octo: alibi tringinta tantum & unus recensentur: quia nimis aliqui ipsorum, (vt testatur synodica per Palladium

Ioannes An-
tiochenus a
Synodo ex-
communi-
catur.

Concilia-
bulum E-
phefino
a quo, qua-
ve de causa
celebra-
tum?
Quid in co-
gestum fue-
rit?

Pelagiana
hæresis re-
stituitur &
confirma-
tur.

Acta Con-
ciliabuli E-
phefino, œ-
cumenic
Concili a-
ctis male
admixta.

Concil. Tom. 6.

Nnn